

ABILTEN

REZ Regionalna razvojna agencija za regiju Centralna BiH

U ovom broju:

- PROJEKT STARTER
- RADIONICE U OKVIRU PROJEKTA STARTER
- PROJEKT STARTER USPJEŠNO REALIZIRAN U OPĆINAMA MAGLJAJ I BUSOVAČA
- POSLOVNI SUSRETI U BH AMBASADI U HOLANDIJI
- RADIONICA NA TEMU „TEHNIKE PRODAJE-PRODAJNE VJEŠTINE“
- ZAVRŠENA EDUKACIJA IZ POSLOVNOG ENGLESKOG
- IZRADA PLANA AKTIVNOSTI U PROCESU DOBIJANJA OKOLIŠNE DOZVOLE
- RADIONICA „CE OZNAČAVANJE KAO PREDUSLOV ZA IZVOZ U EVROPSKU UNIJU“
- SASTANAK MREŽE MONITORA
- STUDIJSKO PUTOVANJE U REPUBLIKU HRVATSKU
- ZAPOČEO NOVI CIKLUS IZRADA MARKETING PLANOVA
- RADIONICA NA TEMU „MARKETING PLAN I STRUKTURA MARKETING PLANA POSLOVNE ZONE“
- UPRAVLJANJE PROJEKTNIM CIKLUSOM — SEMINARI ZA NAŠE OPĆINE
- UPRAVLJANJE PROJEKTNIM CIKLUSOM-LOGIČKI OKVIR
- PROMOCIJA STRATEGIJE RAZVOJA OPĆINE ŽEPČE 2011 — 2018
- EU I PRED-PRISTUPNI FONDOVI — IPARD
- PREZENTACIJA POZIVA EVROPSKE UNIJE
- REKONSTRUKCIJA PODRUČNE ŠKOLE MEČEVIĆI
- SANACIJA PODRUČNE ŠKOLE „BUKOVCI“

PROJEKT STARTER

Potpisivanje Sporazuma između načelnika/predstavnik općina Busovača, Maglaj, Novi Travnik, Travnik i Žepča, te REZ Agencije u sklopu implementacije projekta STARTER (Starter – edukativni program za poboljšanje mogućnosti za samozapošljavanje) upriličeno je 22. aprila u Zenici. Projekt finansira Ambasada Kraljevine Norveške u BiH, a ceremoniju potpisivanja uveličalo je i prisustvo N.J.E. Ambasadora Norveške g. Jana Braathu.



RADIONICE U OKVIRU PROJEKTA STARTER

Trodnevne radionice na temu "Poslovno planiranje" održavale su se 04.-06.aprila u Busovači, 11.-13.aprila u Novom Travniku, 18.-20. aprila u Žepču i 26.-28. aprila u Travniku. Teme obuhvaćene radionicama su: Uvod u poduzetništvo, Izbor poslovne ideje, Svrha i sadržaj poslovnog plana, Korak po korak kroz poslovni plan (Sažetak poslovnog plana, Proizvod/usluga, Tržišni pregled), itd.

Radionicama, koje su prvi dio projekta, su prisustvovala nezaposlene osobe sa područja općina Busovača,

Novi Travnik, Žepče i Travnik koje su evidentirane na listi biroa za zapošljavanje, a predavači su bili stručni saradnici obezbijedeni od strane REZ Agencije.

Svi polaznici su na kraju radionica aplicirali sa svojim poslovnim planovima na Start-up fond, u iznosu od 15.000,00 KM, koji je obezbjeđen od strane svake općine partnera u projektu, a koristi se za podršku 3 najbolja poslovnih plana u otvorenom natječaju. Na taj način će se kroz projekt osigurati podrška osnivanju novih preduzeća i otvaranju novih radnih mjesta.

PROJEKT STARTER USPJEŠNO REALIZIRAN U OPĆINAMA MAGLAJ I BUSOVAČA

Općina Maglaj

Ceremonija dodjele certifikata i nagrada za najbolje poslovne planove u Općini Maglaj, realizovane u okviru projekta STARTER, upriličena je 19. maja u prostorijama Općine.

Najbolji poslovni planovi i dobitnici po 5.000,00 KM za pokretanje samostalnog biznisa na području Općine Maglaj su:

ADEL HUSIĆ, Frizersko-kozmetički salon
MAČKOVIĆ SAUDIN, Proizvodnja namještaja
MULALIĆ TARIK, Reciklaža tonera

Nagrade najboljima i certifikate su dodijelili načelnik općine Maglaj g. Mehmed Mustabašić i direktorica REZ Agencije gđica Amela Malićbegović.

Općina Busovača

Ceremonija dodjele certifikata i nagrada za najbolje poslovne planove u Općini Busovača, realizovane u okviru projekta STARTER, upriličena je 15. juna u prostorijama Općine.

Najbolji poslovni planovi i dobitnici finansijske podrške, od strane Općine Busovača, od po 5.000,00 KM za pokretanje samostalnog biznisa su:

DANIJELO VIDOVIĆ, Auto-servis "Vidović"
ARMIN ŠABANOVIĆ, Plastična proizvodnja
JOSIP ČAKIĆ, Auto-praonica

Nagrade najboljima i certifikate su dodijelili načelnik općine Busovača g. Asim Mekić i direktorica REZ Agencije gđica Amela Malićbegović.



Načelnik općine i direktorica REZ Agencije sa dobitnicima finansijske podrške

POSLOVNI SUSRETI U BH AMBASADI U HOLANDIJI

Bosanskohercegovača delegacija koju čine REZ Agencija, predstavnici bh preduzeća i lokalni izvozni konsultanti boravila je od 29.06-01.07.2011. godine u službenoj posjeti Holandiji. Domaćin bh delegaciji bila je Ambasada BiH u Den Haagu na čelu sa N.J.E Ambasadoricom gđom Mirandom Sidran-Kamišalić.

U prostorijama Ambasade 30. juna održani su susreti bh preduzeća sa 30 preduzeća iz Holandije uz prisustvo N.J.E Ambasadorice BiH u Holandiji, N.J.E. Ambasadora Kraljevine Holandije u BiH g. Sweder van Voorst tot Voorsta, predstavnika REZ Agencije, Agencija CBI i EVD i Kraljevske unije metalaca. Tom prilikom prenesena su i iskustva prisutnih o međusobnoj sara-

dnji ove dvije zemlje kao i rezultati Poslovnih susreta koji su se održali u novembru prošle godine u Zenici. Na susretima u Zenici holandska preduzeća imala su priliku da se upoznaju sa potencijalima bosanskohercegovačkog tržišta.

Cilj posjete Holandiji je nastavak i jačanje poslovnih veza između bh i holandskih preduzeća, kao i nastavak aktivnosti koje REZ Agencija već niz godina realizuje uz podršku Vlade Kraljevine Holandije, odnosno Ambasade Kraljevine Holandije u BiH. Razmatranje različitih vidova saradnje kao i stvaranje mreže preduzeća koja su uspješno realizirala svoje aktivnosti doprinjeti će intenzivnijoj saradnju dviju država.

RADIONICA NA TEMU „TEHNIKE PRODAJE-PRODAJNE VJEŠTINE“

REZ Agencija je, u partnerstvu sa Agencijom ZEDA, u prostorijama Tehnološkog parka u Zenici, 14. juna 2011. godine organizovala radionicu na temu „Tehnike prodaje-Prodajne vještine“ za 31 polaznika iz 25 preduzeća sa područja općine Zenica i jednog preduzeća iz Sarajeva.

Cilj radionice bio je upoznati polaznike sa poslovnom koncepcijom uspješne prodaje, te sticanje temeljnih znanja i vještina u načinima uspješne prodaje u pojedinim privrednim djelatnostima.

Radionica je organizovana u sklopu projekta MENTOR i namijenjena je menadžerima preduzeća, odnosno direktorima prodaje u malim i srednjim preduzećima, koji žele unaprijediti procese planiranja prodaje u cilju unapređenja dobiti/profita kroz povećanje obima prodaje. Fokus radionice bio je na razumijevanju pro-



cesa prodaje, kao i potreba kupaca, načina komunikacije, unapređenja same prodaje i ostalim elementima koji imaju za cilj što uspješniji pristup kupcu, ali i što uspješniju prodaju.

ZAVRŠENA EDUKACIJA IZ POSLOVNOG ENGLESKOG

Ceremonija dodjele diploma za polaznike edukacije iz poslovnog engleskog jezika upriličena je 09. juna 2011. godine u Tešnju. Edukacija je organizovana od strane REZ Agencije u saradnji sa projektom FIRMA kojeg u u Bosni i Hercegovini implementiraju USAID i Sida.

Dvomjesečna obuka je bila namijenjena srednjem i višem menadžmentu preduzeća sa akcentom na predstavnike iz metalnog sektora. Pohađalo je 12 polaznika koji su nakon završene obuke pristupili polaganju ispita, kojeg je uspješno položilo 8 kandidata.

Konsultantska kuća BHM iz Zenice, koja je verificirana od strane Ministarstva za obrazovanje, nauku, kulturu i sport Zeničko-dobojskog kantona, je implementirala obuku.

Ceremoniji dodjele diploma, pored polaznika, prisustvovali su predstavnici REZ Agencije, FIRMA projekta i konsultantske kuće BHM.



Detalj sa uručivanja diploma

IZRADA PLANA AKTIVNOSTI U PROCESU DOBIJANJA OKOLIŠNE DOZVOLE

Radionice na temu „Izrada plana aktivnosti u procesu dobijanja okolišne dozvole“ održale su se 01. aprila u Donjem Vakufu i 22. aprila u Zenici, a organizovane su od strane REZ Agencije u saradnji sa FIRMA projektom kojeg u Bosni i Hercegovini implementiraju USAID i Sida.

Svrha radionica bila je da se uposlenici malih i srednjih preduzeća upoznaju sa direktivama Evropske unije koje je Bosna i Hercegovina usvojila, govoreći o Zakonu o zaštiti okoliša u okviru trenda održivog razvoja, kao i sa izradom plana aktivnosti.

Plan aktivnosti preduzeća u proizvodnji i uslugama je dokument koji potvrđuje usvajanje jedinstvene metodologije u vođenju i razvoju sa posebnim osvrtnom za sprečavanje degradacije okoliša.

Izrada ovog važnog dokumenta se odvija kroz sljedeće: Pregled BAT (Best Available Technology and Techniques – najbolje raspoložive tehnike i tehnologije), standarda ISO 9000, ISO 14000 i ISO 18 000,

principa RE- reengineering paradigma, institucija, agencija i partnera zaštite okoliša za aktuelnu djelatnost; Katalozi opasnih supstanci, izbor postupaka recikliranja; Uvođenje novih ili modifikacija postojećih postupaka prema BAT – u; Metode svođenja na minimum emisija u tlo, vodu i zrak, uz smanjenje potrošnje energije i sirovina; Klasifikacija operacija na primarne i sekundarne sa aspekta emisija; Razmjena informacija u okviru EU posebno pravila koje treba ispuniti za radnu dozvolu; Termin plan monitoringa za ocjenu aktivnosti smanjenja emisija i Zbrinjavanje otpada.

Budući da je zaštita okoliša u posljednje vrijeme sve više aktuelizirana, te da su preduzeća čiji su predstavnici prisustvovali radionici zakonom obavezna imati okolišne dozvole, radionica je protekla u interaktivnom radu uz mnoštvo pitanja na koja su predavači, gđa Ana Beroš i gđa Marina Jovanović (ovlaštene savjetice za okolišne dozvole od strane Federalnog ministarstva okoliša i turizma), dale odgovore.

RADIONICA „CE OZNAČAVANJE KAO PREDUSLOV ZA IZVOZ U EVROPSKU UNIJU“

REZ Agencija je, u saradnji sa Agencijom ZEDA, 22. juna 2011. godine organizovala radionicu na temu „CE označavanje kao preduslov za izvoz u Evropsku uniju“ za 20 polaznika iz 15 preduzeća sa područja općina Maglaj, Zavidovići i Žepče.

Radionica se održala u prostorijama Lokalne razvojne agencije RAZ iz Zavidovića, a namijenjena je preduzećima iz oblasti drvoprerađivačkog sektora, proizvođačima građevinske stolarije, namještaja, montažnih kuća, itd.

Cilj radionice bio je upoznati polaznike iz oblasti drvoprerađivačkog sektora, izvoznike i preduzeća koja se pripremaju za izvoz, sa zahtjevima EU tržišta za posjedovanjem „CE“ znaka, kao i procedurama i načinima dobijanja „CE“ znaka na proizvodima.

Predavač na radionici bio je g. Zoran Gackić ista-



Detalji sa radionice

knuti bosanskohercegovački stručnjak u oblasti „CE“ označavanja koji je polaznicima pružio informacije, upoznao ih sa procedurama, te odgovorio na pitanja.

Regionalni razvoj

SASTANAK MREŽE MONITORA

U prostorijama Sarajevske regionalne razvojne agencije SERDA 03. juna 2011. godine održan je redovni sastanak Mreže monitora 5 regionalnih razvojnih agencija Bosne i Hercegovine (SERDA, NERDA, REDAH, REZ i RDA NW). Na sastanku su predstavnici Agencija analizirali stepen realizacije planiranih zadataka i zaključaka sa prošlog sastanka. Također je razgovarano i o načinima funkcionisanja Mreže u narednom periodu, te je izabran novi koordinator Mreže za naredni period

od godinu dana. Konstatovano je da je, u proteklom periodu, urađena zajednička monitoring istorija svih 5 agencija i dobijena je preporuka od strane Delegacije Evropske Unije kojom se potvrđuje da su regionalne agencije proteklih nekoliko godina radile monitoring projekata finansiranih od strane EU u BiH što je od velikog značaja za buduće angažmane agencija u oblasti monitoringa projekata. Naredni sastanak Mreže monitora bi se trebao održati za 6 mjeseci.

STUDIJSKO PUTOVANJE U REPUBLIKU HRVATSKU

REZ Agencija, u saradnji sa Njemačkim društvom za međunarodnu saradnju – GIZ, je od 04. do 06. aprila organizovala Studijsko putovanje „Posjeta poslovnim zonama u Republici Hrvatskoj“.

Studijsko putovanje je počelo posjetom poslovnim zonama „Podi“ u općini Dugopolje i „Podi Šibenik“ u općini Šibenik. Razvoj poslovne „Podi“ je prezentirao g. Zlatko Žavrnja, načelnik općine Dugopolje, dok je obilazak vodio g. Stipe Rogošić, direktor zone. Ovom prilikom posjećeno je i preduzeće „Aldi“ koje proizvodi AL i PVC stolariju, kao i poslovna škola „Minerva“.

Drugog dana putovanja, učesnici su posjetili poduzetnički inkubator Šibenik – Mandalina, gdje je zamjenik direktora poslovne zone „Podi Šibenik“ g. Jakov Terzanović prezentirao razvoj poslovne zone kao i poduzetničkog inkubatora. Poslije prezentacije uslijedio je obilazak zone i posjeta preduzeću Zagreb – Montaža koje se bavi metaloprerađom i zapošljava najveći broj radnika u zoni.

Trećeg dana putovanja, prilikom posjete općini Novi Stankovci, Načelnik općine g. Željko Baradić je prezentirao razvoj poslovne zone Novi Stankovci. Tom prilikom, učesnicima su se obratili i Načelnik općine Poličnik, g. Davor Lončar koji je prisutnima prezentirao razvoj poslovnih zona u toj općini, kao i direktorica Razvojne agencije Zadarske županije – ZADRA, gđa Sanja Peričić, koja je govorila o aktivnostima Agencije.

Nakon prezentacije je upriličen obilazak poslovne zone i posjeta tvornici za preradu ribe „Ostrea“ koja



Poslovna zona „Podi“ u općini Dugopolje

zapošljava najveći broj radnika u zoni.

U studijskom putovanju su, pored organizatora, učestvovali predstavnici općina i lokalnih razvojnih agencija iz regije Centralna BiH, zatim predstavnici Federalnog ministarstva za razvoj poduzetništvo i obrt, Gradske razvojne agencije Banja Luka, Republičke agencije za razvoj malih i srednjih preduzeća RS, kao i opštine Mrkonjić Grad.

ZAPOČEO NOVI CIKLUS IZRADE MARKETING PLANOVA

U prostorijama REZ Agencije 09. maja 2011. godine počeo je novi ciklus izrade Marketing plana poslovne zone za općine Gornji Vakuf-Uskoplje, Vitez, Maglaj, Zavidovići i Doboj Jug. Ova aktivnost uključuje obuku općinskih kadrova za izradu Marketing plana poslovne zone kao i asistenciju općinskim timovima pri izradi planova. Na uvodnom sastanku je održano preda-

vanje na temu „Marketing plan i struktura marketing plana poslovne zone“. Marketing planovi će se raditi uz asistenciju eksperta, angažovanog od strane GIZ-a, i savjetnika REZ Agencije u periodu maj – oktobar 2011. godine. U ovom periodu održat će se 4 radionice u prostorijama REZ Agencije u Zenici i finalna prezentacija Marketing plana u svakoj od navedenih općina.

RADIONICA NA TEMU „MARKETING PLAN I STRUKTURA MARKETING PLANA POSLOVNE ZONE“

U prostorijama REZ Agencije 09. i 10. juna održala se radionica na temu „Marketing plan i struktura marketing plana poslovne zone“ za općine Doboj-Jug, Gornji Vakuf-Uskoplje, Maglaj, Vitez i Zavidovići.

Radionica se organizovala kroz „Program podrške izvozu i trgovini – SET“ finansiranog od strane Ambasade Kraljevine Holandije u Bosni i Hercegovini u saradnji sa Njemačkim društvom za međunarodnu saradnju GIZ koje provodi program tehničke podrške općinama Centralne BiH za razvoj industrijskih i poslovnih zona.

U okviru nastavka aktivnosti pružanja asistencije općinama u razvoju poslovne infrastrukture i u svrhu poboljšanja poslovne infrastrukture i uslova za investiranje u regiji Centralna BiH, REZ Agencija organizuje drugu radionicu, u drugom ciklusu, za izradu marketing plana poslovne zone za pet odabranih općina. U prvom ciklusu radionica za poslovnu infrastrukturu učestvovala su općine Kakanj, Tešanj, Travnik i Žepče koje su krajem 2010. godine završile izradu Marketing planova poslovnih zona.

UPRAVLJANJE PROJEKTNIM CIKLUSOM – SEMINARI ZA NAŠE OPĆINE

Treći po redu, ciklus seminara u okviru projekta Podrška Evropske unije institucionalnom jačanju kapaciteta za regionalni i lokalni razvoj i razvoj malih i srednjih preduzeća (EURELSMED) za općine iz regije Centralna BiH održan je u Tesliću u periodu od 30. maja do 02. juna 2011. Tema seminara je bila Upravljanje projektnim ciklusom i pristup logičke matrice za identifikaciju i razvoj projekata u kontekstu trenutnih/budućih programa finansiranja. Ovaj četvorodnevni program obuke je bio fokusiran na identifikaciju problema i analizu ciljeva, identifikaciju projekata, izradu logičke matrice i projektne aplikacije, uključujući akcioni plan i budžet, te implementaciju projekta. Obuka je izvedena putem interaktivnih radionica i vođenog rada u grupama, čime se nastojala razviti kompetentnost i unaprijediti praktično znanje učesnika kako bi mogli voditi cijeli proces, od postavljanja projekne ideje do razvijenog prijedloga projekta. Seminar, na kojem su učestvovali predstavnici općina Tešanj, Doboj Jug, Teslić i Usora, predstavnici Ministarstva za privredu i Ministarstva za poljoprivredu,



Učesnici seminara u Tesliću na interaktivnoj radionici


šumarstvo i vodoprivredu Zeničko-dobojskog kantona, te predstavnici lokalnih razvojnih agencija iz Tešnja i Žepča, održali su eksperti za regionalni razvoj i savjetovanje općina g. Pavlos Kollias i gđa Stefania Popa, uz asistenciju predstavnika REZ Agencije. Po završetku obuke svi učesnici, njih ukupno 22, su dobili certifikate. Inače, projekt EURELSMED se realizira na području cijele države i u njemu će učestvovati sve BiH općine.

UPRAVLJANJE PROJEKTNIM CIKLUSOM-LOGIČKI OKVIR

Radionica na temu „Upravljanje projektnim ciklusom“ održana je 24. maja u Tesliću za članove Općinskog razvojnog tima (ORT) iz općine Teslić. Predavač na radionici je Stručni saradnik obezbijeden od strane REZ Agencije, koji je najviše pažnje posvetio izradi matrice logičkog okvira, jednom od ključnih obrazaca u pisanju projekata. Logička matrica ili logički okvir predstavlja planski instrument za identificiranje i analizu problema, a potom za definiranje aktivnosti koje su potrebne da bi se ti problemi riješili. Korištenjem strukture matrice logičkog okvira može se testirati dizajn predloženog projekta kako bi se osigurala njegova relevantnost, izvodljivost i održivost. Logički okvir, također, predstavlja osnovni instrument upravljanja u toku provođenja projekta i pruža osnovu za pripremu akcionih planova i

razvoj sistema praćenja i evaluacije.

U proteklih godinu dana održano je 11 radionica, na ovu temu, za 11 općina iz regije Centralna BiH. U većini slučajeva matrica logičkog okvira se radila na konkretnim projektima koji se nalaze na listi prioritarnih projekata svake općine i planirano je da svih 16 općina bude uključeno u ovakav vid podrške. Pružanjem tehničke asistencije uposlenici REZ Agencije nastoje da približe članovima ORT-a metodologiju izrade projektnih aplikacija osiguravajući praktičnu primjenu predhodno stečenih znanja radeći na izradi matrice logičkog okvira. Edukacijom iz oblasti pisanja projekata općinski razvojni timovi dodatno jačaju svoje kapacitete i REZ Agencija planira i u budućnosti nastaviti sa kontinuiranom podrškom koja će tome doprinijeti.



PROMOCIJA STRATEGIJE RAZVOJA OPĆINE ŽEPČE 2011 – 2018

Promocija revidirane Strategije razvoja općine Žepče 2011 – 2018 održala se 06. juna 2011. godine. Proces revizije Strategije razvoja podrazumijevao je usklađivanje postojeće strategije sa aktuelnim društveno-ekonomskim kretanjima, kako

na području općine Žepče, tako i na području Zeničko-dobojskog kantona, imajući u vidu vrijeme koje je proteklo od trenutka donošenja prve Strategije razvoja općine, koja je obuhvatala period 2007 – 2011. U pripremi i izradi ovog važnog dokumenta poštovana je metodologija strateškog planiranja i lokalnog razvoja EU. Strategija razvoja općine Žepče je ključni planski dokument lokalne politike i treba da pokaže moguće pravce budućeg razvoja općine i da posluži kao osnova za izradu sektorskih strategija, stra-

tegija gospodarstva, turizma i poljoprivrede u narednim godinama. Glavni nosilac procesa izrade Strategije bila je Razvojna agencija Žepče – RAŽ, koja je osnovana 2010. godine na inicijativu općine Žepče, a čiji je glavni zadatak da provodi, prati i ažurira Strategiju razvoja općine Žepče. Promociji su prisustvovali premijer Zeničko-dobojskog kantona, g. Fikret Plevljak, ministar za prostorno uređenje,

saobraćaj, komunikacije i zaštitu okoliša Zeničko-dobojskog kantona, g. Raif Seferović, ministar za rad, socijalnu politiku i izbjeglice Zeničko-dobojskog kantona, g. Mirko Trifunović, predstavnici REZ Agencije, Misije OSCE u BiH, javnih preduzeća i ustanova, privatnog sektora, nevladinih organizacija i mjesnih zajednica iz općine Žepče, te drugi uvaženi gosti.

Jačanje ljudskih resursa

EU I PRED PRISTUPNI FONDOWI - IPARD

REZ Agencija je, u saradnji sa projektom FARMA (Fostering Agricultural Markets Activity) i Njemačkim društvom za međunarodnu saradnju (GIZ), organizovala prezentaciju o predpristupnim programima Evropske unije namijenjenim ruralnom razvoju (IPARD), sa posebnim osvrtom na iskustva Hrvatske u korištenju ovih fondova.

Ova prezentacija je veoma značajna, naročito ako se ima u vidu činjenica da je u maju ove godine počela implementacija EU projekta „Pripreme IPARD sektorskih analiza u Bosni i Hercegovini“. Sektorske analize će se raditi za mlijeko, meso, voće i povrće, uključujući vinski sektor i žitarice, te diverzifikaciju proizvoda. Proces izrade sektorskih analiza treba da bude završen do kraja ove godine, čime će biti ispunjen jedan od preduslova za korištenje sredstava EU iz pete komponente IPA fondova (IPARD), kada BiH stekne status zemlje kandidata za članstvo u EU.

Ovoj prezentaciji, koja je održana 01. juna 2011. godine u prostorijama REZ Agencije, prisustvovali su predstavnici općina, lokalnih razvojnih agencija, poljoprivrednih zadruga i preduzeća iz regije Centralna BiH, kao i predstavnici Sarajevske regionalne razvojne



Prezentacija IPARD u REZ Agenciji

agencije SERDA i međunarodne organizacije USAID. Vjerujemo da će iskustva Hrvatske u korištenju IPARD fondova pomoći potencijalnim aplikantima iz Bosne i Hercegovine da pripreme što kvalitetnije projekte i na taj način doprinesu ruralnom razvoju u svojim sredinama.

PREZENTACIJA POZIVA EVROPSKE UNIJE

U prostorijama REZ Agencije 26. aprila 2011. godine održana je prezentacija Poziva za podnošenje prijedloga projekata "Pripreme aktivnosti za očuvanje i restauraciju kulturnog naslijeđa u konfliktnim područjima na Zapadnom Balkanu za 2010. godinu (Preparatory actions for preserving and restoring cultural heritage in conflict areas in the Western Balkans for the year 2010").

Poziv je objavljen od strane Evropske Unije u okviru IPA Programa (Instrument za pred-pristupnu pomoć zemljama kandidatima i potencijalnim kandidatima za članstvo u EU), a potencijalni aplikanti ili korisnici u okviru projekta između ostalih mogu biti općine, lokalne razvojne agencije i muzeji.

Prezentaciji Poziva su prisustvovali predstavnici općina i lokalnih razvojnih agencija iz regije Centralna BiH, predstavnici muzeja iz Tešnja, Travnika i Zenice, a sama prezentacija je organizovana sa ciljem da se potencijalnim aplikantima pruže potrebne informacije o mogućnostima apliciranja za ova sredstva.



REKONSTRUKCIJA PODRUČNE ŠKOLE MEČEVIĆI

REZ Agencija je i ove godine nastavila saradnju sa organizacijom vojnih veterana iz Holandije "Stichting Vetaranen Actif" koji su do sada implementirali pet projekata na području naše Regije. Obnovili su Dom mladih u Perinom hanu u Zenici, područnu školu u Vukotićima (općina Zenica), područnu školu u Kolićima (Nemila), područnu školu Celikovina (općina Kakani) i područnu školu Moševac (općina Maglaj). Finansijska sredstva za sve projekte su obezbijedili sami Veterani, a posebno je važno istaći i njihov nesebični angažman prilikom izvođenja radova.

Veterani su od 23.-27.maja 2011.godine boravili u područnoj školi u Mečevićima u Zavidovićima gdje su izvodili slijedeće radove: farbanje fasade, krečenje i farbanje svih prostorija u školi, popravku i farbanje drvene stolarije, zamjena dotrajalih vrata na učionicama i zbornici, postavljanje laminata u učionicama, popravka i zamjena elektroinstalacija (šalteri, utičnice, rasvjeta-postavljenje su nove neonske sijalice), donirana je tehnička oprema (tv,



Detalj sa priredbe

dvd, 2 mini muzičke linije) kao i paketići za djecu.

Svečanost simbolične primopredaje obnovljene škole učenicima upriličena je 27.maja uz prigodan program i prisustvo učenika, nastavnika i direktora škole, veterana, REZ Agencije, te drugih uzvanika.

SANACIJA PODRUČNE ŠKOLE

Regionalna razvojna agencija za regiju Centralna BiH već nekoliko godina implementira projekte u zajednicama sa različitim holandskim organizacijama, koji imaju za cilj poboljšanje uslova učenja učenika u osnovnim školama. Po prvi put je uspostavljena saradnja sa Ortodoksnom crkvom iz holandskog grada Fryslan-a čiji volonteri su radili na sanaciji područne škole „Bukovci“ (Osnovna škola Kačuni) u općini Busovača.

Radovi su se izvodili od 16.-20.05.2011. godine a obuhvatili su slijedeće aktivnosti: sanacija krova, popravka i farbanje unutrašnje i vanjske drvene stolarije, krečenje i farbanje svih prostorija u školi, postavljen je laminat u učionicama, sanacija mokrog čvora, postavljene su konstrukcije za koševе sa tablama i obročima, nabavljene su nove stolice i klupe za učionice, kao i plazma tv i dvd uređaj, a svi učenici su obradovani prikladnim paketićima.



Važno je napomenuti da su sredstva za sanaciju obezbijedena od strane volontera, a posebno je važno istaći njihov nesebični angažman prilikom izvođenja radova. Simbolična primopredaja škole učenicima održana je 20. maja uz zanimljiv program koji su pripremili učenici škole i uz prisustvo uvažanih zvanika.

INFO

REDOVNA SKUPŠTINA REZ AGENCIJE

VIII Skupština REZ-Regionalne razvojne agencije za regiju Centralna BiH se održala 21.aprila 2011. godine u Zenici. Skupština se odvijala u skladu sa Statutom REZ Agencije i uz aktivno učešće njenih osnivača. Ovom prilikom osnivačima Agencije su prikazane aktivnosti i rezultati u proteklom periodu koji se tiču podrške razvoja malih i srednjih preduzeća, razvoja poljoprivrede, turizma, infrastrukture i jačanja ljudskih resursa. Prije samog

početka Skupštine upriličeno je potpisivanje Sporazuma između načelnika/predstavnik općina Busovača, Maglaj, Novi Travnik, Travnik i Žepče i REZ Agencije u sklopu implementacije projekta STARTER, koji ima za cilj podršku osnivanju novih preduzeća i zapošljavanju mladih ljudi. Budući da projekt finansira Norveška ambasada u Bosni i Hercegovini, ceremoniji svečanog potpisivanja je prisustvovao N.J.E. Ambasador Norveške g. Jan Braathu.



Regionalna razvojna agencija za regiju Centralna BiH

Štrosmajerova 11, 72000 Zenica, BiH

Tel: +387 32 462 161, Fax: +387 32 441 230,

E-mail: info@rez.ba, www.rez.ba